

Mesej Tiga

Kematangan Pengantin Perempuan

Bacaan Bible: Wahi 19:6-9; Yoh. 3:29; Yak. 5:7; Mat. 5:48; Kol. 1:28-29; 3:10-11

- I. **Makna bagi perkataan *matang* dalam bahasa Yunani ialah “pada titik penghujung”:**
 - A. Ditransform bererti diubah secara metabolik dalam hayat alamiah kita; menjadi matang bererti dipenuhi hayat divin yang mengubah kita—Ibr. 6:1; Kol. 4:12; Roma 12:2; 2 Ptr. 1:3.
 - B. Peringkat terakhir transformasi ialah kematangan, kepenuhan hayat—ay. 4.
 - C. Percayawan yang matang mengenali dan menjaga Tubuh Kristus, mempunyai perasaan terhadap Tubuh, dan berpusatkan Tubuh—1 Kor. 12:16; 18:19, 21, 24.
- II. **Seperti yang digunakan dalam Wasiat Baru, perkataan *matang* merujuk kepada percayawan menjadi penuh dewasa dan disempurnakan dalam hayat Kristus, iaitu hayat yang diterima mereka pada masa kelahiran—Tit. 3:5; 1 Ptr. 1:3, 23; Mat. 5:48:**
 - A. Kita tidak harus sekali-kali berasa puas dengan diri kita, sebaliknya kita harus mengejar pertumbuhan dan kematangan dalam hayat Kristus—Flp. 3:12, 14.
 - B. Kita perlu terus ke depan, maju kepada kematangan dengan melupakan hal-hal yang ada di belakang dan merentangkan diri ke arah hal-hal yang ada di hadapan, mengejar ke arah kenikmatan dan pemerolehan Kristus yang sepenuhnya supaya kita dapat menikmati Kristus ke tahap tertinggi dalam kingdom milenium—ay. 12-15.
 - C. Prasyarat untuk menjadi matang dalam hayat rohani ialah bertumbuh secara berterusan dalam hayat divin—Ef. 4:15.
 - D. Hasil muktamad bagi pertumbuhan dan kematangan percayawan dalam hayat Kristus ialah manusia penuh dewasa—gereja yang merupakan Tubuh Kristus bertumbuh sehingga menjadi manusia yang matang—ay. 13.
- III. **Dalam Surat Yakobus, dia menggunakan gambaran seorang petani menanam buah yang berharga dari bumi dengan sabar-derita—5:7:**
 - A. Tuan Yesus sebenarnya ialah Petani yang sejati, Petani yang unik—Mat. 13:3.
 - B. Ketika kita menantikan kedatangan Tuan dengan sabar-derita, Dia sebagai Petani yang sejati sedang menantikan kematangan kita dalam hayat dengan sabar, supaya kita menjadi buah sulung dan tuaian di ladang-Nya—Wahi 14:4, 14-15.
 - C. Jika kita berdoa, “Tuan, kembalilah segera,” Tuan mungkin berkata, “Ketika kamu menantikan perkembalian-Ku, Aku sedang menantikan kematangan kamu; hanya kematangan kamu yang dapat mempercepat perkembalian-Ku.”
 - D. Amatlah membantu jika kita menyedari hal ini: Sekiranya kita bersikap serius menantikan perkembalian Tuan, kita perlu bertumbuh dalam hayat sehingga matang.
- IV. **Menjadi matang bererti mempunyai Kristus terbentuk sepenuhnya dalam kita; menjadi matang juga bererti kita telah ditransform sepenuhnya menjadi imej-Nya—Gal. 4:19; 2 Kor. 3:18:**
 - A. Sejak kita dilahirkan, Tuan telah bekerja dalam kita supaya kita dapat mempunyai imej-Nya—ay. 18; Roma 8:29.
 - B. Apabila Tuan menggarapkan imej-Nya sepenuhnya ke dalam kita dan Dia juga diekspresikan sepenuhnya menerusi kita, kita akan matang dalam hayat—Ef. 3:16-17.
- V. **Kidung Agung bab 3 menunjukkan kepada kita kematangan pencari, dan bab 4 selanjutnya menjelaskan bahawa kematangan sedemikian dicapai melalui penundukan tekad; rahsia kematangan pencari ialah tekadnya telah ditundukkan dan dibangkitkan sepenuhnya—ay. 4:**

- A. Leher menandakan tekad manusia di bawah Tuhan; Tuan melihat ketundukan tekad kita sebagai satu perkara yang paling cantik—ay. 1a, 4.
- B. Jika kita mempunyai tekad yang ditundukkan, tekad kita akan diekspresikan seperti menara Daud yang menyimpan pelbagai jenis senjata:
 - 1. Pertama-tama, tekad kita harus ditundukkan; kemudian barulah tekad kita akan menjadi kuat dalam kebangkitan dan sama seperti menara Daud, yakni gedung senjata untuk peperangan rohani—Ef. 6:10.
 - 2. Senjata untuk peperangan rohani disimpan dalam tekad kita yang ditundukkan dan dibangkitkan—2 Kor. 10:3-5.

VI. Matlamat ministri Paulus ialah mempersembahkan setiap orang matang, penuh dewasa dalam Kristus demi satu manusia baru—Kol. 1:28-29; 3:10-11:

- A. Perkataan Yunani yang diterjemahkan sebagai “penuh dewasa” dalam Kolose 1:28 juga boleh diterjemahkan sebagai “sempurna”, “lengkap”, atau “matang”.
- B. Ministri Paulus adalah untuk mendispenkan Kristus ke dalam orang lain supaya mereka dapat menjadi sempurna dan lengkap melalui pematangan mereka dalam Kristus sehingga mencapai kedewasaan penuh.

VII. Kejadian 37—47 merupakan catatan proses kematangan Yakub:

- A. Dalam Kejadian 27, kita melihat seorang perampas; dalam bab 37, seorang yang ditransform; dan penghujung bab 47, seorang yang matang.
- B. Tahap terakhir transformasi ialah kematangan, iaitu kepenuhan hayat:
 - 1. Tujuan abadi Tuhan hanya dapat disempurnakan menerusi transformasi dan kematangan kita—1:26; Kol. 1:28; 2:19.
 - 2. Kematangan ialah soal mempunyai hayat divin disalurkan ke dalam kita berulang kali sehingga kita mempunyai kepenuhan hayat—Yoh. 10:10.
- C. Kematangan ialah soal pembesaran kapasiti—Mzm. 4:1:
 - 1. Kematangan dalam hayat ialah jumlah semua disiplin Roh Kudus yang diterima—Ibr. 12:5-11.
 - 2. Orang lain dapat melihat seorang yang telah menjadi matang dalam hayat, tetapi mereka tidak dapat melihat disiplin Roh Kudus yang terkumpul, yang diterimanya secara tersembunyi hari demi hari bertahun-tahun lamanya—2 Kor. 1:8-10; Kej. 47:7, 10.
- D. Tuhan di bawah ketentuan-Nya akan menggunakan orang, benda, dan peristiwa untuk mengosongkan kita daripada segala-gala yang memenuhi kita, dan mengambil pergi setiap benda yang menduduki kita supaya kapasiti kita bertambah untuk dipenuhi Tuhan—Luk. 1:53; Mat. 5:6.
- E. Seumur hidup Yakub mewahikan bahawa segala sesuatu yang berlaku kepada kita berada di bawah ketentuan Tuhan demi transformasi dan kematangan kita; tidak ada satu perkara pun yang berlaku secara kebetulan:
 - 1. Untuk menjadi matang, Yakub mula-mulanya harus menderitai kehilangan Yusuf, buah hatinya—Kej. 37:31-35.
 - 2. Seorang percayawan yang matang telah mempelajari bahawa Tuhan adalah penuh rahmat dan maha mencukupi untuk memenuhi keperluannya dalam setiap jenis situasi—43:11, 13-14; 17:1; Flp. 1:19-21a; 4:11-12; bd. 1 Tim. 6:6-8.
 - 3. Sandaran dan rehatnya sama sekali terletak pada rahmat Tuhannya yang maha mencukupi, bukan lagi pada dirinya atau keupayaannya—Roma 9:16.
 - 4. Tanda terbesar bagi kematangan Yakub ialah dia memberkati orang lain—Kej. 47:7, 10; 48:14-16; Ibr. 7:7.

VIII. Pengantin perempuan yang matang ialah matlamat kehendak dan tujuan Tuhan—Wahi 19:7-9:

- A. Kesediaan pengantin perempuan korporat bergantung pada kematangan hayat para pejayeng—ay. 7; Ibr. 6:1; Flp. 3:12-15; Ef. 4:13.
- B. Perkahwinan Anak Domba ialah hasil daripada penyempurnaan ekonomi Wasiat

Baru Tuhan; ekonomi Wasiat Baru Tuhan adalah untuk memperoleh pengantin perempuan, yakni gereja, untuk Kristus menerusi penebusan judisial-Nya dan melalui penyelamatan organik-Nya dalam hayat divin-Nya—Kej. 2:22; Roma 5:10; Wahi 19:7-9; 21:2.

- C. Dalam Injil Yohanes, Kristus diwahikan sebagai Anak Domba yang datang menghapuskan dosa dan sebagai Pengantin Lelaki yang datang agar Dia dapat memperoleh pengantin perempuan—3:29.
- D. Matlamat Kristus bukan untuk menyingkirkan dosa, tetapi memperoleh pengantin perempuan:
 - 1. Dalam buku Wahi, kita melihat bahawa Kristus ialah Anak Domba dan Pengantin Lelaki yang akan datang; sebagai Pengantin Lelaki, sudah tentu Dia harus mempunyai perkahwinan—19:7-9.
 - 2. Perkahwinan Anak Domba akan menjadi perkahwinan universal; perkahwinan itu ialah perkahwinan Penebus dengan orang yang ditebus.
 - 3. Kristus datang sebagai Pengantin Lelaki, dan kita pergi sebagai pengantin perempuan.
- E. Perkara yang amat penting ialah kesediaan pengantin perempuan—ay. 7:
 - 1. Menurut Wahi 19:8 dan 9, isteri, pengantin Kristus, di sini hanya terdiri daripada percayawan yang jayeng pada zaman milenium.
 - 2. Kesediaan pengantin perempuan bergantung pada kematangan pejayeng dalam hayat; pejayeng bukanlah individu yang berasingan, sebaliknya pengantin korporat.
 - 3. Dalam Wahi 19:6 suara himpunan besar orang mengisytihar, “Haleluya! Kerana Tuan, Tuhan kita yang Maha Perkasa, sudah meraja”:
 - a. Pemerajaan Tuhan, kingdom, berkaitan dengan perkahwinan Anak Domba.
 - b. Perkahwinan itu akan membawa masuk pemerajaan Tuan, kingdom, kerana semua tetamu yang dipanggil ke perkahwinan itu akan menjadi pengantin korporat dan juga raja bersama-sama Pengantin Lelaki; semua raja bersama-sama-Nya akan menjadi pengantin korporat-Nya.
 - c. Bagi pejayeng, seribu tahun kingdom milenium akan menjadi jamuan perkahwinan.
 - d. Setiap orang yang dijemput ke jamuan perkahwinan juga akan berbahagian dalam pemerajaan seribu tahun sebagai raja.
 - e. Bagi pejayeng, meraja bersama dengan Kristus dalam kingdom merupakan jamuan perkahwinan—ay. 9.